

Evrópukeppnin í körfubolta

ÞRIÐJUDAGUR 29. ÁGÚST 2017



Langar í fyrsta sigurinn

Mikil spennan er í íslenska hópnunum sem mætir Grikkjum í fyrsta leik á Eurobasket næsta fimmtudag. Þrátt fyrir að hafa tapað öllum leikjum í Berlín 2015 stóðu strákarnir sig mjög vel og langar nú að landa fyrsta sigrinum í lokakeppni stórmóts.

Starri Freyr
Jónsson
starri@365.is



Íslendingar mæta Grikkjum á fimmtudaginn í fyrsta leik á Eurobasket 2017 og ríkir mikil spennan og tilhlökkun í íslenska hópnunum að sögn Arnars Guðjónssonar, annars aðstoðarþjálfara íslenska landsliðsins. „Stemningin hefur verið mjög góð á undirbúningstímabilinu. Þetta er þéttur hópur og spennan eykst með hverjum deginum. Flestir leikmennirnir hafa verið í æfingahópnum áður og þekkja hugmyndir okkar mjög vel. Lítilsháttar meidli hafa verið að trufla okkur og því höfum við ekki náð að stilla upp okkar besta liði í síðustu leikjum. Við reiknum þó með öllum klárum í fyrsta leik á fimmtudag.“

Áttu möguleika

Þótt íslenska liðið hafi tapað öllum leikjum á Eurobasket í Berlín 2015 stóðu strákarnir sig mjög vel og voru nálægt sínum fyrsta sigri í lokakeppni stórmóts.

“En okkur langar að gera betur en síðast, það er á hreinu. Okkur langar í þennan fyrsta sigur, það byrjar allt með honum.”

„Í leikjunum gegn Tyrkjum og Þjóðverjum áttum við möguleika og vorum síðan með Ítalaleikinn í okkar höndum en náðum ekki að klára hann. Við syndum því vel að við getum keppt á þessu sviði. Við spiludum vel því við vorum hugaðir, en á sama tíma skynsamir í sókninni. Í vörn vorum við stríðsmenn, alltaf tilbúnir að hjálpa hver öðrum og berjast um alla bolta. En okkur langar að gera betur en síðast, það er á hreinu. Okkur langar í þennan fyrsta sigur, það byrjar allt með honum. Ef við náum í hann, þá er hægt að láta sig dreyma um eitthvað meira. Þjálfarateymið hefur sömu væntingar til allra leikmanna liðsins, hver og einn á að leysa sitt



Arnar Guðjónsson er annar aðstoðarþjálfari landsliðsins. MYND/VILHELM

hlutverk eftir bestu getu og gefa allt sitt í þetta, innan vallar sem utan.“

Og hann er hóflega bjartsýnn á góðan árangur. „Ég hef trú á því að ef við höldum okkur við þessa uppskrift og bættum við reynsluna sem við fengum af síðasta móti, þá geti allt gerst. Ef við ætlum hins vegar að skila sama vinnuframlagi og mótherjinn og treysta á körfubolta-hæfileika verður þetta erfitt mót. Okkar hæfileiki er að við getum verið duglegri en öll önnur lönd.“

Áhersla á vörn

Leikstill íslenska liðsins hefur verið nokkuð svipaður undanfarin fjögur ár að sögn Arnars þótt hann þróaði eðlilega eitthvað milli ára. „Það sem breytist samt ekki er að við verðum að setja pressu á boltann í vörninni og vera tilbúnir að tvídekka stóru menn andstæðinganna. Í sóknarleiknum þarf að gera hluti sem þessar stóru þjóðir sjá lítið af, eins og að setja stærri mennina í óvanalegar aðstæður. Einnig þurfum við að laga okkur að því að hafa Tryggva inni á, hann breytir aðeins leikstílnum okkar með stærð sinni, þaðum megin á vellinum.“

Aðspurður hvort hann hlakki sérstaklega til að mæta ákveðnum liðum eða leikmönnum segist hann ekki hafa valt því mikið fyrir sér. „Ég hef ekki valt því mikið fyrir mér. Hugurinn er eins og stendur við Grikki og Pólverja sem við mætum í fyrstu tveimur leikjum okkar. En af einstökum leikmönnum held ég að það verði gaman að sjá hinn franska Boris Diaw, hann er ótrúlega snjall leikmaður.“

Alvöru mótherjar í Finnlandi

Margir mótherjar íslensku strákanna eru núverandi og fyrrverandi NBA-leikmenn auk þess sem margir þeirra spila lykilhlutverk í sterkustu deildum í Evrópu. Hér verður rennt yfir helstu nöfnin.

Slóvenía

Goran Dragic er 31 árs leikstjórnandi sem leikur með Miami Heat í NBA-deildinni. Hann hefur átt finan feril og skoraði m.a. 20,3 stig á leik á síðasta tímabili. Árið 2014 hlaut hann verðlaun fyrir mestu framfarir og var einnig valinn í þriðja úrvalsliði deildarinnar.

Luka Doncic er einungis 18 ára gamall og þykir einn efnilegasti leikmaður sinnar kynslóðar í Evrópu. Hann leikur bæði stöðu leikstjórnanda og skotbakvarðar með spænska stórliðinu Real Madrid í spænsku ACB-deildinni. Flestir sérfræðingar spá því að hann verði valinn snemma í nýliðavalinu í NBA-deildinni árið 2018.



Luka Doncic frá Slóveníu er 18 ára og einn efnilegasti leikmaður álfunnar.

Finnland

Lauri Markkanen er bjartasta vonin í finnskum körfubolta. Hann var valinn í NBA-nýliðavalinu í sumar af Minnesota og því næst skipt til Chicago í pakkaskiptum sem innihéldu stórstjörnuna Jimmy Butler. Lauri er einungis 20 ára gamall en er um 2,13 m á hæð og þykir afbrigðis skotmaður, þ.á.m. góð þriggja stiga skytta. Svo góð skytta þykir hann að íþróttavefurinn SB Nation kallaði hann bestu sjö feta skyttuna sem sést hefur í bandarískum háskólabolta.

Frakkland

Evan Fournier er geysilega sterkur leikmaður sem leikur bæði stöðu lítils framherja og skotbakvarðar. Hann er rétt rúmlega 2 metrar á hæð og leikur með Orlando Magic í NBA-deildinni. Fournier var stíga-hæstur leikmanna ungs og efnilegs liðs Orlando á síðasta tímabili með 17,2 stig. Stórhættulegur leikmaður og skemmtileg áskorun fyrir íslensku leikmennina.

Kevin Séraphin átti finna NBA-feril þar sem hann spilaði í sjó ár, lengstum með Washington Wizards.

Kevin er um 2,08 m á hæð, sterkur strákur sem spilar bæði stöðu miðherja og kraftframherja.

Besta ár hans í NBA-deildinni var tímabilið 2012-2013 en þá kom hann af bekknum og skoraði 9,1 stig og tók 4,4 fráköst. Hann hefur kvatt NBA-deildina, a.m.k. í bili, og skrifaði undir hjá spænska stórliðinu FC Barcelona Bàsquet seint í sumar þar sem hann mun að öllu óbreyttu dvelja næstu tvö árin.

Bakvörðurinn Nando De Colo hefur átt frábæran feril í evrópska boltanum. Hann lék um tíma í NBA-deildinni með San Antonio Spurs og Toronto Raptors en samdi við hinn

fornfræga rússneska björn, CSKA Moskvu, sumarið 2014. Óhætt er að segja að hann hafi sett mark sitt á evrópska boltann því hann vann EuroLeague-titilinn með liðinu árið 2016, hefur síðustu þrjú tímabil komist í All-European úrvalsliðin og vann Alphonso Ford bikarinn sem stíga-hæstur leikmenn Euroleague fá fyrir stigaskorun sína.

Boris Diaw er í uppáhaldi hjá mörgum aðdáendum NBA-boltans enda fjölhæfur og skemmtilegur leikmaður. Hann hefur átt góðan feril í NBA-deildinni með nokkrum liðum og vann m.a. til verðlauna fyrir mestu framfarir árið 2006 auk þess að vinna titilinn eftirsóttá með San Antonio Spurs árið 2014. Boris er orðinn 35 ára gamall og því á lokametrum ferilsins en það verður gaman að sjá íslensku strákana kljást við kappann.

Grikkland

Nick Calathes er leikstjórnandi gríska landsliðsins. Hann átti frábæran háskólaferil með Florida-háskólanum og lék í tvö ár með Memphis Grizzlies í NBA-deildinni. Þegar einn lykilmanna liðsins, Mike Conley, meiddist komst hann í byrjunarlíði um tíma. Þar stóð hann sig það vel að hann var valinn nýliði mánaðarins. Nick hefur leikið með gríska liðinu Panathinaikos síðan

2015 og er talinn vera með bestu varnarmönnum Evrópu.

Thanasis Antetokounmpo er eldri bróðir gríska undursins Giannis Antetokounmpo. Thanasis átti stuttan feril í NBA með New York Knicks en hefur vegnað mun betur á Spáni. Í sumar skrifaði hann undir hjá gríska liðinu Panathinaikos. Hann er minni en bróðir hans, rétt rúmlega 2 metrar á hæð.

Georgios Papagiannis er 2,16 m hár miðherji sem var valinn af Sacramento Kings í nýliðavalinu 2016. Enginn grískur leikmaður hefur verið valinn svo ofarlega en Georgios var valinn nr. 13. Hann er einungis tvítugur, stór og sterkur strákur, sem á vafalaust eftir að verða íslensku strákunum erfiður.

Pólland

A.J. Slaughter er bandarískur skotbakvörður með pólskt ríkisfang. Eftir tvö ár í Western Kentucky-háskólanum reyndi hann við NBA-nýliðavalid en án árangurs. Síðustu árin hefur hann leikið víða í Evrópu, m.a. á Grikklandi, Spáni og í Frakklandi.

Przemyslaw Karnowski er 2,16 m á hæð og tæplega 140 kíló. Örvhentur leikmaður og svakalegur skrokkrur sem verður erfitt að eiga við. Hann spilaði fjögur ár í Gonzaga-háskólanum en leikur nú í Evrópu.

EM Í KÖRFUBOLTA 31. ÁGÚST-17. SEPT.

EM TILBOÐ

PIZZA + GOS + GOTT = 2.999 KR

stór af matsæðli

tveir lítrar

að eigin vali

ef þú sækir

 **Domino's®**





Herragarðurinn sér um að klæða strákana okkar og fylgdarlið á EuroBasket 2017 í Finnlandi.

Leikmenn og þjálfarar klæðast sérsaumuðum jakkafötum úr línu Herragarðsins.

Hver og einn leikmaður og starfsmenn í kringum liðið voru mældir upp og var hugsað um öll smáatriði. Við litur notaður í hnappagötin á ermum og á boðung. Fötin eru merkt hverjum og einum leikmanni. Við fótum silkibindi og hvítan klút.

Strákarnir eru margir hverjir stórir og hávaxnir og því ekki auðvelt fyrir marga að finna fót af slánni þannig.

Það er okkar ánægja að klæða upp landsliðið og vonum að þetta verði hluti af árangursríkumóti.

herra GARÐURINN

-klæðir landsliðið vel



Valið var efni í bláum lit sem hentar vel til ferðalaga og fóðrið inn í fötunum rautt sem og rauður og hvítur
in klæðast svo strákarnir hvítum Stenströms skyrtum með rautt

g að sérsaumurinn hentar einkar vel fyrir þá.

Átta af tólf voru með í Berlín

Tólf leikmenn skipa íslenska landsliðshópinn á EM í Helsinki en fjórir af þeim eru á Eurobasket í fyrsta sinn. Landsliðshópurinn flaug út í gær. Fyrsti leikurinn er á fimmtudag.



1 Martin Hermannsson
Leikstaða: Bakvörður
Aldur: 22 ára
Félag: Champagne Chalons-Reims í Frakklandi
Hæð: 194 sm
Landsleikir: 51
Landsliðsstig: 411
Meðalskor: 8,1
Landsliðsmaður í 4 ár og 3 mánuði
Fyrsti landsleikur: 28. maí 2013 á móti San Marínó



6 Kristófer Acox
Leikstaða: Framherji
Aldur: 23 ára
Félag: KR á Íslandi
Hæð: 196 sm
Landsleikir: 25
Landsliðsstig: 181
Meðalskor: 7,2
Landsliðsmaður í 2 ár og 2 mánuði
Fyrsti landsleikur: 3. júní 2015 á móti Lúxemborg
Mínútur á EM 2015: Ekki með



3 Ægír Þór Steinarsson
Leikstaða:
Leikstjórnandi
Aldur: 26 ára
Félag: TAU Castello á Spáni
Hæð: 182 sm
Landsleikir: 48
Landsliðsstig: 166
Meðalskor: 3,5
Landsliðsmaður í 5 ár og 11 mánuði
Fyrsti landsleikur: 9. september 2011 á móti Kína
Mínútur á EM 2015: 17 af 205 (8%)



8 Hlynur Bæringsson
Leikstaða:
Kraftframherji
Aldur: 35 ára
Félag: Stjarnan á Íslandi
Hæð: 200 sm
Landsleikir: 111
Landsliðsstig: 1.152
Meðalskor: 10,5
Landsliðsmaður í 17 ár og 6 mánuði
Fyrsti landsleikur: 23. febrúar 2000 á móti Makedóníu
Mínútur á EM 2015: 155 af 205 (76%)



9 Jón Arnór Stefánsson
Leikstaða: Litill framherji
Aldur: 34 ára
Félag: KR á Íslandi
Hæð: 196 sm
Landsleikir: 91
Landsliðsstig: 1.150
Meðalskor: 12,6
Landsliðsmaður í 17 ár og 1 mánuð
Fyrsti landsleikur: 1. ágúst 2000 á móti Noregi
Mínútur á EM 2015: 144 af 205 (70%)



10 Elvar Már Friðriksson
Leikstaða:
Leikstjórnandi
Aldur: 22 ára
Félag: Barry University í Bandaríkjunum
Hæð: 182 sm
Landsleikir: 27
Landsliðsstig: 87
Meðalskor: 3,2
Landsliðsmaður í 4 ár og 3 mánuði
Fyrsti landsleikur: 28. maí 2013 á móti San Marínó
Mínútur á EM 2015: Ekki með



13 Hörður Axel Vilhjálmsson
Leikstaða: Leikstjórnandi
Aldur: 28 ára
Félag: Astana í Kasakstan
Hæð: 194 sm
Landsleikir: 65
Landsliðsstig: 378
Meðalskor: 5,8
Landsliðsmaður í 10 ár og 3 mánuði
Fyrsti landsleikur: 5. júní 2007 á móti Andorra
Mínútur á EM 2015: 125 af 205 (61%)



14 Logi Gunnarsson
Leikstaða: Skotbakvörður
Aldur: 35 ára
Félag: Njarðvík á Íslandi
Hæð: 192 sm
Landsleikir: 138
Landsliðsstig: 1.468
Meðalskor: 10,6
Landsliðsmaður í 17 ár og 1 mánuð
Fyrsti landsleikur: 1. ágúst 2000 á móti Noregi
Mínútur á EM 2015: 87 af 205 (42%)



15 Pavel Ermolinskij
Leikstaða: Framherji
Aldur: 30 ára
Félag: KR á Íslandi
Hæð: 202 sm
Landsleikir: 62
Landsliðsstig: 341
Meðalskor: 5,6
Landsliðsmaður í 13 ár og 1 mánuð
Fyrsti landsleikur: 7. ágúst 2004 á móti Póllandi
Mínútur á EM 2015: 135 af 205 (66%)



24 Haukur Helgi Pálsson
Leikstaða: Framherji
Aldur: 25 ára
Félag: Cholet í Frakklandi
Hæð: 198 sm
Landsleikir: 56
Landsliðsstig: 664
Meðalskor: 11,9
Landsliðsmaður í 6 ár og 1 mánuð
Fyrsti landsleikur: 24. júlí 2011 á móti Finnlandi
Mínútur á EM 2015: 140 af 205 (68%)



34 Tryggvi Snær Hlinason
Leikstaða: Miðherji
Aldur: 19 ára
Félag: Valencia á Spáni
Hæð: 216 sm
Landsleikir: 19
Landsliðsstig: 108
Meðalskor: 5,7
Landsliðsmaður í 1 ár og 1 mánuð
Fyrsti landsleikur: 13. ágúst 2016 á móti Austurríki
Mínútur á EM 2015: Ekki með



88 Brynjar Þór Björnsson
Leikstaða: Litill framherji
Aldur: 29 ára
Félag: KR á Íslandi
Hæð: 192 sm
Landsleikir: 61
Landsliðsstig: 174
Meðalskor: 2,9
Landsliðsmaður í 10 ár og 3 mánuði
Fyrsti landsleikur: 5. júní 2007 á móti Andorra
Mínútur á EM 2015: Ekki með



Craig Pedersen
Þjálfari



Arnar Guðjónsson
aðstoðarþjálfari



Finnur Stefánsson
aðstoðarþjálfari

4x4

 SSANGYONG

REXTON - ALVÖRU JEPPI!



VERÐ FRÁ: **4.990.000 KR.**

**GERÐU SAMANBURÐ
Á VERÐI OG BÚNAÐI**

Verið velkomin í reynsluakstur!

| benni.is.

Reykjavík
Tangarhöfða 8
Sími: 590 2000

Reykjanesbær
Njarðarbraut 9
Sími: 420 3330

Bílaríki, Akureyri
Glerárgötu 36
Sími: 461 3636

Opið:
Virka daga frá 9:00 til 18:00
Laugardag frá 12:00 til 16:00

**Bílaúð
Benna**

— Sérfræðingar í bílum —

Bíllinn í þessari auglýsingu endurspeglar ekki endilega það verð og þann búnað sem tilgreindur er. Allar upplýsingar eru birtar með fyrirvara um villur.



Úlfur Úlfur mun skemmta stuðningsmönnum íslenska landsliðsins í körfubolta í Finnlandi. MYND/ANDRI MARINÓ

Íslenskt FAN-ZONE í Finnlandi

Á EuroBasket 2017 verður FAN-ZONE fyrir stuðningsmenn íslenska liðsins. Það verður á Kansalaistori Square í miðborg Helsinki. Á stuðningsmannasvæðinu verður að finna veitingatjöld og veitingasölu, stóla og borð, risaskjá (sem sýnir alla kvöldleiki Finna), útikörfuboltavelli, sólubása og fleira skemmtilegt. Einnig verður risasvið þar sem meðal annars íslenskir listamenn munu troða upp fyrstu dagana. Ljóst er að mikil stemning mun myndast fyrir og eftir leiki á svæðinu en það er í hjarta miðborgar Helsinki, í 3 mín. göngufjarlægð frá lestarstöðinni, beint á móti þinghúsinu. Um 300 m eru á aðalstarstöðina og þaðan fara allar lestir á stoppstöðina við Höllina þar sem keppt er. Sú lestarferð tekur um 6 mín. og fara lestir á um 5 mín. fresti frá aðalstöðinni. Það er því ljóst að mjög þægilegt verður að komast á milli miðbæjarins og Hallarinnar. KKÍ hefur fengið Úlf Úlf og þá félagar Sverri Bergmann og Halldór Fjalla-bróður til liðs við sig til að halda uppi stuðinu meðal íslenskra stuðningsmanna í „Fan-Zone-inu“ og má því búast við miklu fjöri.



Tryggvi Snær Hlinason.

Fjögur ný andlit

Íslenski leikmannahópurinn á Eurobasket í ár er að stórum hluta sá sami og tók þátt í Eurobasket árið 2015 í Berlín. Fjórir nýir leikmenn hafa þó bæst í hópinn frá Berlín 2015 og verður gaman að fylgjast með þeim. Fyrstan ber að telja miðherjann Tryggva Snæ Hlinason sem hefur vakið mikla athygli undanfarin tvö ár. Tryggvi, sem er 2,16 m á hæð, samdi nýlega við spænska liðið Valencia á Spáni og er nú á stóra sviðinu í fyrsta sinn. Kristófer Acox frá KR leikur nú í fyrsta sinn á Eurobasket en hann er 23 ára framherji með mikinn sprengikraft. Njarðvíkingurinn Elvar Már Friðriksson hefur leikið vel í háskólaboltanum í Bandaríkjunum og fær nú tækifæri til að kljást við nokkra af sterkustu bakvörðum Evrópu. Að lokum má nefna Brynjar Þór Björnsson úr KR. Hann á að baki 61 landsleik en tíu ár eru síðan hann lék sinn fyrsta A-landsleik. Það kæmi ekki á óvart að sjá hann smella þriggja stiga körfu í andlitid á mótherja sínum á næstu dögum.

Hvenær spilar Ísland?

Ísland leikur fimm leiki í Helsinki í A-riðli EuroBasket 2017. Leikdagar eru eftirfarandi og eru allir tímar að staðartíma í Helsinki (+3 klst. á undan Íslandi):

31. ágúst 16:30 (13:30 ísl.)
Ísland - Grikkland

1. september **Frídagur**

2. sept. 13:45 (10:45 ísl.)
Pólland - Ísland

3. sept. 13:45 (10:45 ísl.)
Frakkland - Ísland

4. september **Frídagur**

5. sept. 13:45 (10:45 ísl.)
Ísland - Slóvenía

6. sept. 20:45 (17:45 ísl.)
Finnland - Ísland



Á heimasíðu mótsins: www.fiba-basketball/eurobasket/2017 má sjá tímasetningu á öllum leikjum í riðlinum. Athugið að tímasetningarnar birtast á íslenskum tíma og þarf að velja sérstaklega

finnskan tíma til að sjá staðartíma í Finnlandi.

Allir leikir í Finnlandi fara fram í Helsinki Arena (áður Hartwall-Arena og gæti heitið það í GPS-tækjum og á kortum).



Fyrir líkama og sál

fyrir alla fjölskylduna

í þínu hverfi

Frá morgni til kvölds

